



Na osnovu člana 14. Zakona o mladima Federacije Bosne i Hercegovine ("Službene novine FBiH" broj 36/10), Strategije prema mladima na području općine Ilidža sa akcionim planom za period 2020-2024. godine ("Službene novine Kantona Sarajevo", broj 1/20) i Budžeta Općine Ilidža za 2021. godinu ("Službene novine Kantona Sarajevo", broj 14/21), a na prijedlog Službe za obrazovanje, kulturu, sport i mlade, Općinski načelnik raspisuje

**JAVNI POZIV
za (su)finansiranje projekata za mlade
iz Budžeta Općine Ilidža za 2021. godinu**

Predmet Javnog poziva je prikupljanje aplikacija udruženja/fondacija/neformalnih grupa za dodjelu sredstava za projekte za mlade iz Budžeta Općine Ilidža za 2021. godinu koji su u skladu sa aktivnostima navedenim u Strategiji prema mladima na području općine Ilidža sa akcionim planom za period 2020-2024. godine.

I PRAVO NA DODJELU SREDSTAVA

Pravo na dodjelu sredstava po ovom javnom pozivu imaju aplikanti koji ispunjavaju slijedeće uslove:

- Udruženja/fondacije koji imaju sjedište na području općine Ilidža;
- Neformalne grupe mladih uključujući i vijeća učenika srednjih škola sa područja općine Ilidža (uz administrativnu podršku registrovanog udruženja čije sjedište se nalazi na području općine Ilidža);
- Da su po prethodnim javnim pozivima ispunili obavezu podnošenja narativnog i finansijskog izvještaja o utrošku sredstava;
- Projektni prijedlozi koji će se realizirati do 31.12.2021. godine;
- Projektni prijedlozi koji su namijenjeni mladim od 15 do 30 godina starosti sa područja općine Ilidža.

Udruženja/fondacije moraju ispunjavati sljedeće uslove:

- a) da su osnovani i registrovani u Bosni i Hercegovini,
- b) da svoje aktivnosti razvijaju na području općine Ilidža,
- c) da su projekti namijenjeni građanima općine Ilidža,
- d) da nisu ogranak i da nisu obavljali i ne obavljaju aktivnosti u ime političke partije.

II OBLASTI ZA FINANSIRANJE PROJEKATA

Projektni prijedlog treba da se odnosi na neku od sljedećih oblasti:

- Neformalna edukacija (programi iz oblasti omladinskog aktivizma, kursevi stranih jezika, edukacija u cilju poticanja omladinskog poduzetništva i zapošljavanja mladih i dr.),
- Aktivnosti koje promovišu odgovoran odnos prema prirodi,
- Kreativno izražavanje (škole slikanja i izložbe, koncerti, pozorišne predstave i sl.),
- Organizovano provođenje slobodnog vremena kroz sportske i rekreativne aktivnosti,
- Promocija zdravih stilova života i socijalne zaštite (borba protiv aktuelnih poroka, zaštita seksualno reproduktivnog zdravlja, prevencija vršnjačkog nasilja, podrška mladim s posebnim potrebama, aktivnosti za socijalno isključene mlade),
- Izgradnja i razvoj lokalne zajednice (aktivnosti koje potiču na veće učešće mladih u razvoju lokalne zajednice, ravnopravnost spolova, promovisanje volonterizma i timskog rada),
- Informisanost i mobilnost mladih.



III POTREBNA DOKUMENTACIJA

Prijava na Javni poziv treba da sadrži:

- **za udruženja i fondacije**
 - a) Popunjen Prijavni obrazac (obrazacOB-QMS-851-21 izd.2) - u prilogu javnog poziva,
 - b) Popunjen obrazac – Projektni prijedlog – u prilogu javnog poziva,
 - c) Rješenje o registraciji (Aktuelni izvadak iz Registra ne stariji od 3 mjeseca),
 - d) Uvjerenje o poreskoj registraciji – identifikacioni broj,
 - e) Uvjerenje o izmirenim poreskim obavezama i izmirenim porezima i doprinosima za zaposlenike (ukoliko ih ima),
 - f) Izjava lica ovlaštenog za zastupanje u pravnom prometu aplikanta da li aplikant ima ili nema zaposlenika (izjava ne smije biti starija od 3 mjeseca),
 - g) Bilans stanja i bilans uspjeha za prethodnu godinu, ovjeren sa vidljivim pečatom nadležne agencije za finansijsko poslovanje,
 - h) Potvrda banke o postojanju transakcijskog računa, dokaz da račun nije blokiran (ne starije od 3 mjeseca (ovjerena kopija),
 - i) *za sportska udruženja potvrda Sportskog saveza Kantona Sarajevo o upisu u matičnu evidenciju sportskih organizacija za 2021. godinu.

- **za neformalne grupe (uključujući vijeća učenika srednjih škola)**
 - a) Popunjen Prijavni obrazac (obrazacOB-QMS-851-21 izd.2) - u prilogu javnog poziva,
 - b) Popunjen obrazac – Projektni prijedlog – u prilogu javnog poziva,
 - c) Rješenje o registraciji (Aktuelni izvadak iz Registra ne stariji od 3 mjeseca) udruženja sa sjedištem na području općine Ilidža koje daje administrativnu podršku,
 - d) Uvjerenje o poreskoj registraciji – identifikacioni broj udruženja sa sjedištem na području općine Ilidža koje daje administrativnu podršku,
 - e) Uvjerenje o izmirenim poreskim obavezama i izmirenim porezima i doprinosima za zaposlenike (ukoliko ih ima) udruženja sa sjedištem na području općine Ilidža koje daje administrativnu podršku,
 - f) Izjava lica ovlaštenog za zastupanje u pravnom prometu udruženja sa sjedištem na području općine Ilidža koje daje administrativnu podršku da li ima ili nema zaposlenika (izjava ne smije biti starija od 3 mjeseca),
 - g) Bilans stanja i bilans uspjeha za prethodnu godinu, ovjeren sa vidljivim pečatom nadležne agencije za finansijsko poslovanje udruženja sa sjedištem na području općine Ilidža koje daje administrativnu podršku,
 - h) Potvrda banke o postojanju transakcijskog računa, dokaz da račun nije blokiran (ne starije od 3 mjeseca (ovjerena kopija) udruženja sa sjedištem na području općine Ilidža koje daje administrativnu podršku,
 - i) *za sportska udruženja koja daju administrativnu podršku potvrda Sportskog saveza Kantona Sarajevo o upisu u matičnu evidenciju sportskih organizacija za 2021. godinu.

Za projekte koji se realizuju u školama potrebna je pismena saglasnost direktora/ice škole.

NAPOMENA:

Sve kopije dokumenata potrebno je ovjeriti kod nadležne općinske službe, a obrasci moraju biti potpisani od strane osobe ovlaštene za zastupanje aplikanta u pravnom prometu i ovjerene pečatom aplikanta.

Dokumentaciju koja se dostavlja na javni poziv potrebno je dostaviti redosljedom, numerisati i uvezati na način da nije moguće izuzeti bilo koji dokument koji je dostavljen u aplikaciji.

- Aplikant može aplicirati na ukupan iznos projekta ili dio nedostajućih sredstava, što je dužan navesti u aplikaciji.



- Aplikant može konkurisati s najviše tri projektna prijedloga od kojih će biti finansirana/ sufinansirana maksimalno dva projektna prijedloga.
- Neće se (su)finansirati sljedeće projektne aktivnosti:
 - nedostaju formalno-pravni uslovi za kandidovanje projekta,
 - nije opravdan utrošak sredstava za ranije odobrene projekte (nije dostavljen finansijski izvještaj o realizaciji ranije odobrenih projekata),
 - aktivnosti koje se planiraju van općine Ilidža neće se razmatrati,
 - projekat je usmjeren na promociju političke stranke,
 - dodjeljivanje granta trećoj strani, kupovina nekretnine, pokrivanje deficita, investicije, stručna usavršavanja, školovanje, retroaktivno finansiranje projekata i drugo.

Neće se finansirati aktivnosti odobrenog projekta koje su provedene prije objave ovog javnog poziva.

IV NAČIN PODNOŠENJA PRIJAVA I OCJENA APLIKACIJA

Obrasci u sklopu Javnog poziva se mogu preuzeti u Centru za pružanje usluga građanima u Općini Ilidža (info-desk), u ulici Butmirska cesta 12 ili putem web stranice: www.opcinailidza.ba.

Prijave na Javni poziv sa naprijed traženom dokumentacijom podnose se u zatvorenoj koverti na protokol u Centru za pružanje usluga građanima u Općini Ilidža ili putem preporučene pošte na adresu Butmirska cesta 12, s obaveznom naznakom : **“Za Javni poziv za (su)finansiranje projekata za mlade iz Budžeta Općine Ilidža za 2021. godinu – NE OTVARAJ”**.

Neblagovremene, nepotpune i neuredne prijave neće biti razmatrane.

Ocjenu i odabir projekata izvršit će komisija za odabir projekata koju će imenovati Općinski načelnik. Komisija će vrednovati projektne prijedloge na osnovu strateških ciljeva Općine Ilidža i društveno-ekonomske opravdanosti.

Nakon donošenja Odluke o raspodjeli sredstava sa aplikantima se zaključuju ugovori koji sadrže prava, obaveze i odgovornosti ugovornih strana.

Općina Ilidža zadržava pravo da ne dodijeli sva dostupna finansijska sredstva namijenjena po ovom javnom pozivu.

V OBJAVLJIVANJE I ROK ZA PODNOŠENJE PRIJAVA

Ovaj javni poziv objaviće se na web stranici Općine Ilidža i u dnevnom listu „Dnevni avaz“ u formi obavještenja.

Rok za podnošenje prijava je 15 dana od dana objavljivanja.

SVE INFORMACIJE I OBAVJEŠTENJA U VEZI OVOG JAVNOG POZIVA ĆE BITI OBJAVLJENI NA ZVANIČNOJ WEB STRANICI OPĆINE ILIDŽA, TE UČESNICI PO OVOM JAVNOM POZIVU NEĆE BITI POJEDINAČNO OBAVJEŠTAVANI.

Sve dodatne informacije u vezi sa učešćem na Javni poziv mogu se dobiti putem kontakt telefona: **033/775 720.**

Broj: 07-11-4509/21
Ilidža, 07.10.2021.g.

OPĆINSKI NAČELNIK

Nermin Muzur, magistar uprave, s.r.

